

आकाशवाणी

खबरां नाट्यपाल सिंह कोला ।

- 1- गृहमंत्री अमित शाह होर अज्ज नमीं दिल्ली च सीबीआई आस्सेआ तैआर कीते गेदे भारतपोल पोर्ट दी शुरूआत करगंन ।
2. नेपाल च अज्ज बडलै 7.1 शक्ति आला भूंचाल आया जेहदे झटके बिहार च बी मसूस कीते गे ।
3. फौज ने एसडीआरएफ ते एनडीआरएफ कन्नै रलियै असम दी उमरांगसो थाहर कोयले दी खदान च फसे दे 9 मजूरें गी सुरक्षित बाहर कड्डने लेई बचाव कारवाई शुरू कीती ऐ ।
4. प्रधानमंत्री नरेंद्र मोदी होरें माईक्रोसाफ्ट दे मुख् कार्यकारी अधिकारी सत्या नडेला हुंदे कन्नै मलाटी कीती ते कंपनी दी भारत च महत्वकांक्षी निवेश योजना पर संदोख जाहर कीता ।
- 5- 183 मुख् थमां 33 लक्ख सवां मते लोकें महाकुम्भ मेले दी आधिकारीक वैबसाईट दा दौरा कीता ।
- 6- स्काश च अनाहत सिंह ने ब्रिटिश जूनियर ओपन च कुड़िएं दे अंडर-17 सिंगल दा खिताब जिती लैता ऐ ।

<><><><><><><><>

HM-Bharatpol

गृहमंत्री अमित शाह होर अज्ज नमीं दिल्ली च सीबीआई आस्सेआ तैआर कीते गेदे “भारतपोल पोर्टल” दी शुरूआत करगंन । एह पोर्टल इंटरपोल राएं अंतर्राष्ट्री मदाद दी गुलारिश आले मामले च कारवाइएं गी सखल्ला बनाग । एहदे च इंटरपोल आस्सेआ जारी रैड नोटिसें ते होरने रंगें आले नोटिसें कन्नै सरबंध तमामले शामिल न । गृह मंत्रालय नै इक ब्यानै च आखेआ ऐ जे प्रधानमंत्री नरेन्द्र मोदी हुंदे नेतृत्व च केन्द्र सरकार नै मुख् दी कनून नाफिज करने आली अजेंसिएं गी मजबूत बनाने लेई महत्वपूर्ण गैह पुट्टियां न । भारतपोल

पोर्टल कन्नै भारतीय जांच अजेसिएं दी वैश्विक पुज्ज बदोग ते अंतर्राष्ट्रीय स्तर पर पुलस दी मदाद सखल्ली होई जाग। बक्ख-बक्ख मुखे दे बघदे अपराधे गी घट्ट करने लेई जिंदे च साइबर क्राइम, माली नुकसान ते संगठित अपराध शामिल न। सीबीआई दे भारतपोल पोर्टल तैआर कीता ऐ तां जे सब्बने मुत्तलका धडे गी इक्कै मंच पर आंदा जाई सकै।

<><><><><><>

Earthquake

नेपाल च अज्ज बडलै 7.1 शक्ति आला भूंचाल आया यूएसजीएस मूजब भूंचाल अज्ज 6 बज्जियै 35 मिंटे पर आए भूंचाल दा केन्द्र लाबूछे दे 93 किलोमीटर उत्तर पूर्व च हा जेहदे झटके काठमांडू ते बिहार च बी मसूस कीते गे। बिहार दे केई इलाके च अज्ज बडलै भूंचाल दे झटके मसूस कीते गे जेहदे च पटना, सपोल, अरारिया, सिहोर ते सिवान बी शामिल न। नेपाल ते तिब्बत बन्ने कोल आए दे भूंचाल दे झटके बिहार च बी मसूस कीते गे। एह भूंचाल 6 बज्जियै 35 मिंटे पर आया ते एहदे झटके किश सैकेंट तोड़ी मसूस कीते गे। अजे तोड़ी कुसा चाल्लर दे जानोमान दे नुकसान दी कोई खबर नेई ऐ।

<><><><><><>

Assam

असम च फौज नै राज्य आपदा प्रतिक्रिया बल, एसडीआरएफ ते राष्ट्रीय आपदा प्रतिक्रिया बल, एनडीआरएफ कन्नै रलियै दीमाहासाओ जिले दी उमरांगसो थाहर कोयले दे खदान च फसे दे मजदूरें गी सुरक्षत बाहर कड्डने लेई इक सांझी कारवाई शुरू कीती गई। एक्स पर कीते दे इक पोस्ट च असम दे मुखमन्त्री हिमंत बिसवा सर्मा होरें कल बचाह कारवाई लेई फौज दी मदाद मंगी ही ते बचाह कारवाइएं दी दिक्ख-सुन लेई कैबिनेट मंत्री गी मुरत घटना थाहर पुज्जने दी गुजारिश कीती ही। गुवाहटी च रक्षा दे जनसंपर्क अधिकारी मूजब असम दे मुखमन्त्री हुंदी विनती उपपर फौज नै अपना इक विशेष कार्यबल दुर्घना आली थाहर भेजेआ जेहदे च गोताखोर, इंजीनियर ते होरने पेशवरें दे इलावा जरूरी उपकरण बी शामिल न।

<><><><><><>

PM-Nadela

माइक्रोसाफ्ट कंपनी दे मुख् कारजकारी अधिकारी सत्या नडेला हुंदे कन्नै नमीं दिल्ली च प्रधानमंत्री नरेन्द्र मोदी होरें मलाटी कीती। इक सोशल मीडिया पोस्ट च मोदी होरें मुख् च माइक्रोसाफ्ट दी महत्वकसंक्षी विस्तार ते निवेश योजनाएं पर खुशी जाहर कीती। उनें आखेआ जे बैठक दरान दौनें बश्कार तकनीक, नमिएं काह्डें ते आर्टिफिशल इंटैलीजेस दे बक्ख-बक्ख पैहलुएं पर चर्चा होई।

<><><><><><><><>

Mahakumbh

183 मुख् थमां 33 लक्ख सवां मते लोकें महाकुम्भ मेले दी आधिकारीक वैबसाईट Kumbh.gov.in दा दौरा कीता। वैबसाईट दे आंकडे मूजब 4 जनवरी तोड़ी दुनिया भरै दे 6 जहार 206 शैहरें थमां 33 लक्ख सवां मते लोकें महाकुम्भ मेले दी आधिकारीक वैबसाईट राएं जानकारी हासत कीती।

<><><><><><><><>

Lok Sabha Speaker

लोकसभा दे स्पीकर ओम बिरला होरें कल नमीं दिल्ली राजघाट च गांधी दर्शन आर्ट गैलरी दा उद्घाटन कीता। गैलरी च 80 थमां मते कलाकारें राष्ट्रपिता महात्मा गांधी होरें गी टकोहदी ते आधुनिक ढंगै नै पेश कीता। इस मौके पर श्री बिरला होरें आखेआ जे विश्व गांधी हुंदे सिद्धांतें पर भरोसा करदा ऐ, उंदे बारे च होर जानना चांहदा ऐ। उनें आखेआ जे गांधी दर्शन आर्ट गैलरी राएं अजे दे नोजवानें गांधी हुंदे मुल्लें बारे जानकारी च होर बाद्धा होग। उनें स्वतंत्रता संग्राम दरान गांधी हुंदे योगदान ते बलिदान बारे बी दस्सेआ दसाया। इस प्रदर्शनी दा आयोजन संस्कृति मंत्रालय जलित कला अकैडमी ते गांधी समिति नै दर्शन समिति आस्सेआ रलियै कीता गेदा हा।

<><><><><><><><>

Canada PM

कनाडा दे प्रधानमंत्री जस्टिन ट्रूडो होरें सत्तारूढ़ लिबरल पार्टी दे नेता दे औहदे थमां अपना स्तीफा देई दित्ता ऐ। उनें आखेआ जे नमां नेता चुने जाने तगर ओह प्रधानमंत्री बने रौंहगन। 11 ब'रे तगर लिबरल पार्टी दे नेता ते 9 ब'रें थमां प्रधानमंत्री दे औहदे पर काबिज ट्रूडो होरें गी अपनी गै पार्टी च विरोध दा सामना करना पवा'रदा ऐ। ओह अपनी गै नीतिएं करी लोकप्रिय बी होई गे ँ ओटावा च इक संवाददाता सम्मेलन च एहदी घोषणा करदे होई उनें आखेआ जे ऐसा इस करियै कीता ऐ की जे नेकां जतनें दे बावजूद संसद म्हीने तगर ठप्प रेई।

<><><><><><>

US Congress

अमरीका दी कांग्रेस नै रिपब्लिकन पार्टी आस्सेआ नमें चुनोए दे राष्ट्रपति डोनाल्ड ट्रंप हुंदी डेमोक्रेटिक पार्टी दी मेदवार ते उपराष्ट्रपति कमला हैरिस पर जित्त गी औपचारिक तौर पर प्रमाणित रि दित्ता ऐ। एहदे कन्नै 20 जनवरी गी ट्रंप हुंदे आस्सेआ सगंध लैने दा रस्ता साफ होई गेआ ऐ। वाशिंगटन च प्रतिनिधि सभा ते सीनेट दे सांझे सत्र दरान इक औपचारिक समारोह च 50 राज्यें ते कोलंबिया जिले च चुनां नतीजें दा प्रमाणिकरण कीता गेआ। एहदी अध्यक्षता उपराष्ट्रपति कमला हैरिस होरें कीती जेड़ियां एहदे सीनेट दे अध्यक्ष दे तौर पर अपनी भूमका नभा'रदियां हियां।

<><><><><><>

Squash

ब्रिटिश जूनियर ओपन स्काश प्रतियोगिता च भारत दी अनाहत सिंह नै फाइनल मकाबला जित्तियै खिताब अपने नां करी लैता ऐ। 17एं ब'रे कोला हेठली उमरी दी कुड़िएं दे इक्कले खिताब लेई 16एं ब'रे दी अनाहत सिंह होरें इंग्लैंड दे ब्रिमिंघन च जंदी रातीं मिस्र दियां मलिका एल. कारसकी गी 3-1 कन्नै हराई दित्ता। अनाहत होरें 4-11, 11-9, 6-11, 11-5 ते 11-3 दे स्कोर कन्नै खताबी मकाबला जित्तेआ ऐ। एह अनाहत हुंदा त्रीआ ब्रिटिश जूनियर ओपन टाइटल ऐ। एहदे शा पैहले उनें 2019 च अंडर-11 दे वर्ग च जित्त हासल कीती ह ीते 2023 च अंडर-15 वर्ग च जित्त हासल कीती ही। अनाहत सिंह होरें पिछले

बरे 9 पीएसए चैलेंजर खिताब जित्ते हे जेहडे दुनिया च कुसै बी महिला कोला सब्बने शा
मते न।

<><><><><><>